



2.400 laus störf í ferðapjónustu á öðrum ársfjórðungi


Laus störf í ferðapjónustu hér á landi voru 2.400 á öðrum fjórðungi samkvæmt mati Hagstofunnar og er þetta langmesti fjöldi lausra starfa í greininni frá því að Hagstofan hóf að birta þetta mat á fyrsta ársfjórðungi 2019. Fyrri met var frá því á fyrsta fjórðungi í fyrra þegar þau voru 1.000.

Fjöldi lausra starfa 8-faldaðist milli fyrsta og annars fjórðungs en laus störf voru 300 í greininni á fyrsta ársfjórðungi. Eftir að faraldurinn hófst hefur fjöldi lausra starfa legið á bilinu 0-300 og er fjöldi lausra starfa nú á öðrum fjórðungi skýr vísbinding um að ferðapjónustan sé aftur að hefja sig til flugs. Sem hlutfall af fjölda starfandi var hlutfall lausra starfa 13% á öðrum ársfjórðungi en fyrri met var á fyrsta fjórðungi í fyrra þegar hlutfallið var 5%. Víða er farið að bera á skorti á starfsfólki í ferðapjónustu og hafa forsvarsmenn félags hótela og gistiheimila, sem hafa verið að sækjast eftir starfsfólki, sagt að illa gangi að manna stöður. Mönnun starfa verður líklega sá þáttur sem helst mun hægja á uppganginum í ferðapjónustu. Mikið af fjármagnsstofninum í greininni s.s. flugvélar og gististaðir er tilbúnir að taka aftur við miklum fjölda en mönnum starfa kann að leiða til hnökra þegar fjöldi ferðamanna eykst á ný.

Störfum fækkaði langmest í ferðapjónustu


Ferðapjónustan varð fyrir langmesta högginu í faraldrinum og sést það einna best á því að fækkun starfa í greininni varð þar töluvert meiri en að meðaltali í öðrum greinum. Frá fyrsta fjórðungi á síðasta ári til sama fjórðungs á þessu ári fækkaði störfum í einkennandi greinum ferðapjónustu um 45%. Alls fækkaði störfum um 7% í hagkerfinu en fækkun starfa utan einkennandi greina ferðapjónustu nam einungis 1,5% á milli þessara tímabila.

Fjöldi starfandi og laus störf í ferðapjónustu



Heimild: Hagstofa Íslands, Hagfræðideild Landsbankans

Breyting í fjölda starfa í hagkerfinu og framlag atvinnugreina




Heimild: Hagstofa Íslands, Hagfræðideild Landsbankans



Uppgangurinn í ferðaþjónustu mun hafa mikil áhrif á minnkun atvinnuleysis á næstu árum

Við höfum áður bent á að hversu hratt atvinnuleysi mun dragast saman hér á landi á næstu misserum mun ráðast að miklu leyti af hraða uppgangsins í ferðaþjónustu. Í uppsveiflunni í ferðaþjónustu var mjög sterkt samband á milli annars vegar fjölda erlendra ferðamanna og fjölda starfandi í greininni. Á öðrum ársfjórðungi voru 17.900 starfandi í ferðaþjónustu og við gerum ráð fyrir að þeim fari mjög fjölgandi á næstu misserum. Á þessu ári spáum við að fjöldi erlendra ferðamanna verði um 800 þúsund en að hann fari síðan upp í 1,5 milljón á næsta ári og 2 milljónir árið 2023. Ef sú spá gengur eftir má, samkvæmt þessu sögulega sambandi, gera ráð fyrir að árið 2023 verði tæplega 31 þúsund starfandi í ferðaþjónustunni.



Innihald og form skjals þessa er unnið af starfsmönnum Hagfræðideildar Landsbankans hf. (hagfraedideild@landsbankinn.is) og byggist á aðgengilegum opinberum upplýsingum á þeim tíma sem greiningin var unnin. Mat á þeim upplýsingum endurspeglar skoðanir starfsmanna Hagfræðideildar Landsbankans á þeim degi þegar greiningin er dagsett, en þær geta breyst án fyrirvara.

Landsbankinn hf. og starfsfólk hans taka ekki ábyrgð á viðskiptum sem byggð eru á þeim upplýsingum og skoðunum sem hér eru settar fram, enda eru þær ekki veittar sem persónuleg ráðgjöf fyrir einstök viðskipti.

Bent skal á að Landsbankinn hf. getur á hverjum tíma haft beinna eða óbeinna hagsmuna að gæta, ýmist sjálfur, dótturfélög hans eða fyrir hönd viðskiptamanna, s.s. sem fjárfestir, lánardrottinn eða þjónustuaðili. Greiningar eru engu að síður unnar sjálfstætt af Hagfræðideild Landsbankans og innan Landsbankans eru í gildi reglur um aðskilnað starfssviða sem eru aðgengilegar á vef bankans.